



RESOLUCIÓN da Xefatura Territorial da Coruña da Consellería do Mar, pola que se publica a lista definitiva das embarcacións seleccionadas no proceso selectivo para o outorgamento da modalidade de POLIQUETOS ao abeiro do plan de xestión conxunto para o recurso específico Poliquetos, modalidade mergullo en apnea e con subministro de aire dende a superficie, das Confrarías de Pescadores de Camelle, Corme, Laxe e Malpica

Antecedentes

1. A Orde do 22 de decembro de 2021 aprobou os plans de xestión para recursos específicos e algas en Galicia para o trienio 2022-2024. (DOG Núm. 251, de 31.12.2021).

De conformidade co expediente de aprobación do Plan de xestión conxunto para o recurso específico poliquetos (PE410A 2021/59-1), modalidade mergullo en apnea e con subministro de aire dende a superficie, das confraría de pescadores de Camelle, Corme, Laxe e Malpica (en adiante plan de xestión conxunto) estableceuse un número máximo de 11 embarcacións con 23 persoas mergulladoras habilitadas con dereito a cota para o trienio 2022-2024 e un número máximo de 3 habilitacións/embarcación. O reparto de participantes por confraría é o que segue:

- Corme: 8 embarcacións
- Laxe: 1 embarcación
- Camelle: 1 embarcación
- Malpica: 1 embarcación

Trala finalización do último proceso de renovación de 2021 desta modalidade nas entidades integrantes do plan de xestión conxunto para o trienio 2022-2024, o número de embarcacións coa arte poliquetos (Z6) no permiso de explotación autorizadas para participar no plan foi de 9 embarcacións e 16 persoas mergulladoras con dereito a cota, co seguinte reparto por confraría:

- Corme: 8 embarcacións
- Laxe: 1 embarcación
- Camelle: 0 embarcacións
- Malpica: 0 embarcacións

2. O 18.03.2022 (Registro de Entrada N° 2022/724691) as entidades presentaron unha

Xefatura Territorial da Coruña
Rúa Ramón y Cajal, 2 5º andar (Casa do Mar)
15006 A Coruña
Tel.: 981 182 000
xefaturaterritorial.mar.coruna@xunta.gal





solicitude para que se iniciase o proceso para a cobertura de vacantes ata o número máximo de embarcacións establecido no plan de xestión conxunto, propoñendo o outorgamento de dúas (2) habilitacións por embarcación e o reparto das tres (3) cotas que restarían entre as embarcacións participantes no plan coa convocatoria dunha lista aberta para o incremento de cotas de captura.

3. O 21.09.2022 esta xefatura territorial comunicou por correo electrónico ás entidades que os procesos de outorgamento do recurso específico poliquetos, modalidade en apnea e con subministro de aire dende a superficie, realizaríase a principios de 2023. A mesma información reiterouse o 20.01.2023 tamén por correo electrónico.

4. O 24.02.2023 esta xefatura territorial ditou a resolución pola que se convoca o proceso selectivo para o outorgamento da modalidade de POLIQUETOS ao abeiro do plan de xestión conxunto.

5. O 23.03.2023 esta xefatura territorial ditou a resolución pola que se publicou a lista de embarcacións admitidas no proceso selectivo para o outorgamento da modalidade de POLIQUETOS ao abeiro do plan de xestión conxunto.

Consideracións legais e técnicas

1. A Orde do 30 de decembro de 2015 pola que se regula a explotación dos recursos específicos no ámbito da Comunidade Autónoma de Galicia determina nos seus artigos 26 a 30, o procedemento para a obtención da modalidade de recursos específicos no permiso de explotación da embarcación.

2. A resolución do 24.02.2023 desta xefatura territorial convocou este proceso selectivo, de acordo co plan de xestión conxunto, para outorgar a modalidade a dúas (2) embarcacións con dúas (2) cotas para mergulladores/embarcación (4 habilitacións en total) co reparto por confrarías seguinte:

- Camelle: 1 barco con 2 habilitacións
- Malpica: 1 barco con 2 habilitacións

3. O número de embarcacións participantes admitidas (1) na Confraría de pescadores de Camelle é igual ao número de prazas convocadas (1) para esta confraría polo que non foi necesario valorala de acordo co baremo aprobado pola Resolución do 4 maio de 2016, da Dirección Xeral de Desenvolvemento Pesqueiro, pola que se aproba o baremo para acceder ás modalidades de recursos específicos no permiso de explotación das embarcacións así como para elaborar as listas e actualizar os méritos para o incremento do número de cotas de captura para as embarcacións incluídas nun plan de xestión de recursos específicos, modificada pola Resolución do 18 de maio de 2020, da Dirección Xeral de Desenvolvemento Pesqueiro.

Non se presentou ningunha embarcación á praza convocada para a Confraría de pescadores de Malpica.

4. Esta xefatura territorial é o órgano competente para o outorgamento da modalidade de recursos específicos no permiso de explotación das embarcacións de conformidade co establecido no artigo 52 da Orde do 30 de decembro de 2015, pola que se regula a explotación dos recursos específicos no ámbito da Comunidade Autónoma de Galicia.



De acordo con todo o anterior, esta xefatura territorial

RESOLVE:

1. Facer pública a lista definitiva da embarcación seleccionada neste proceso selectivo para acceder á modalidade de poliquetos en embarcacións ao abeiro do plan de xestión conxunto para o recurso específico Poliquetos, modalidade mergullo en apnea e con subministro de aire dende a superficie, das Confrarías de Pescadores de Camelle, Corme, Laxe e Malpica (anexo I).

2. Outorgar a posibilidade para optar á modalidade do recurso específico POLIQUETOS coa única asignación posible de dúas (2) cotas de mergulladores/as por embarcación no permiso de explotación á embarcación e persoa armadora que se indica a continuación:

CFPO	EMBARCACIÓN	MATRÍCULA E FOLIO	TITULAR DO PERMISO DE EXPLOTACIÓN
5652	SILVIA	CO-4 -1840	OS VIGOS S.C.

3. A obtención da modalidade e adxudicación final do número de cotas á embarcación, dependerá das persoas que teña enroladas á vista do rol de despachos da embarcación coa dotación da tripulación enrolada nela e das certificacións profesionais. Dita solicitude terá en conta o número máximo de tripulantes que a embarcación pode enrolar (Certificado de conformidade).

Ademais, de acordo co disposto na Resolución do 18 de maio de 2020 da Dirección Xeral de Desenvolvemento Pesqueiro pola que se modifica a Resolución de 4 de maio de 2016 pola que se aproba o baremo, o outorgamento da modalidade de recursos específicos realizárase entre persoas armadoras solicitantes asociadas á entidade integrante do plan de xestión conxunto.

Para a comprobación do indicado nos parágrafos anteriores, a persoa armadora da embarcación seleccionada disporá dun prazo de quince (15) días hábiles, contados desde o seguinte ao da publicación da presente resolución para presentar a seguinte documentación:

- Rol de despachos actualizado da embarcación coa dotación de tripulación enrolada nela.
- Certificacións profesionais que correspondan ás persoas tripulantes enroladas, agás no suposto de autorización expresa por parte das persoas tripulantes á Consellería do Mar para a consulta das certificacións profesionais expedidas pola Consellería do Mar. A autorización expresa para a consulta destes datos realizárase empregando o anexo X da Orde do 30 de decembro de 2015.
- Certificación da confraría de pescadores, titular do plan de xestión, respecto da pertenza da persoa armadora como asociada á entidade para a que se outorga a modalidade. Non será necesario en caso de autorización á Consellería do Mar para a súa consulta.





De acordo co disposto no Decreto 425/1993, do 17 de decembro e a Orde do 30 de decembro de 2015, as embarcacións seleccionadas que presentasen a documentación dentro do prazo establecido deberán cumprir ademais cos seguintes requisitos para a obtención da modalidade no permiso de explotación e das cotas asignadas:

- Ter menos de cinco artes ou modalidades no permiso de explotación da embarcación. No caso de ter cinco, deberá xustificarse a renuncia a unha delas.
- Non ter sancións firmes en vía administrativa en materia de protección de recursos mariños, pendentes de pagamento.
- O/A armador/a da embarcación non poderá ser titular dun permiso de explotación a pé para recursos específicos, debendo renunciar a este no momento da obtención da modalidade.

Á embarcación seleccionada que cumpra os requisitos expediráselle o novo permiso de explotación onde quedará reflectida a modalidade e o número de cotas asignadas (coa única asignación posible de 2 cotas).

O artigo 14 da Lei 39/2015, do 1 de outubro, do procedemento administrativo común das Administracións Públicas obriga ás persoas xurídicas a relacionarse a través de medios electrónicos coas administracións públicas e o artigo 10 da Lei 4/2019, do 17 de xullo, de administración dixital de Galicia, establece a obrigatoriedade para as persoas traballadoras autónomas de relacionarse a través de medios electrónicos no ámbito do sector público autonómico para os trámites e as actuacións que realicen no exercicio da súa actividade profesional.

Polo tanto, a documentación indicada deberá presentarse por vía electrónica a través do formulario normalizado PX006A (achega de documentación adicional) dispoñible na sede electrónica da Xunta de Galicia (<https://sede.xunta.gal>), dentro do procedemento aberto PE401L. Para a presentación da documentación será necesario o Documento Nacional de Identidade electrónico (DNIE) ou calquera dos certificados electrónicos recoñecidos pola sede da Xunta de Galicia.

Se dentro do prazo fixado a persoa armadora seleccionada non presentase a documentación ou do exame dela se deducise que carecen dalgún dos requisitos sinalados na base 1.2 da convocatoria, entenderase que desiste da súa solicitude. Neste caso, emitirase unha nova resolución modificando esta, declarando vacantes as prazas convocadas, pola desistencia da persoa armadora que non presentou a documentación ou carece dos requisitos para a praza de Camelle e por quedar deserta a praza de Malpica.

A presente resolución publicarase no taboleiro de anuncios da xefatura territorial de A Coruña e na páxina web <http://www.mar.xunta.gal>. A resolución tamén se exporá, con carácter informativo, no taboleiro de anuncios das Confrarías de Camelle, Corme, Laxe e Malpica.

Contra esta resolución, que non pon fin á vía administrativa, poderase interpoñer recurso de alzada ante a conselleira do Mar no prazo dun (1) mes, que se contará a partir do día seguinte ao da notificación desta resolución, de acordo co establecido nos artigos 121 e 122 e seguintes da Lei 39/2015 do 1 de outubro, do Procedemento Administrativo Común das





Administracións Públicas (BOE núm. 236, do 2 de outubro de 2015).

Esta resolución notifícase á confraría de pescadores de Corme, como entidade representante, así como ás confrarías de pescadores de Laxe, Camelle e Malpica como restantes entidades integrantes do plan de xestión conxunto, consonte ao artigo 40 e seguintes da Lei 39/2015, de 1 de outubro.

A xefa territorial
María José Cancelo Baquero
(sinatura electrónica)



ANEXO I

Listaxe definitiva de embarcacións admitidas no proceso selectivo para o outorgamento da modalidade de POLIQUETOS para 2 embarcacións con 4 cotas de captura de mergulladores ao abeiro abeiro do plan de xestión conxunto para o recurso específico Poliquetos, modalidade mergullo en apnea e con subministro de aire dende a superficie, das Confrarías de Pescadores de Camelle, Corme, Laxe e Malpica

Embarcacións admitidas									
Confraría	Embarcación	Matricula e folio	Experiencia profesional da persoa armadora B.1	Habitualidade da actividade pesqueira B.2	Antigüidade da embarcación B.3	Nº artes B.4	Formación da persoa armadora B.5	Ter mulleres enroladas B.6	Total
Camelle	SILVIA	CO-4 -1840							

